

**UDRUŽENJE POSLODAVACA U FBiH
SARAJEVO**

ZAPISNIK

sa 35. redovne proširene sjednice UO Udruženja poslodavaca u FBiH, održane dana 02.03.2016 godine (srijeda), sa početkom u 11:30 časova u prostorijama ASA Holding (Bulevar Meše Selimovića 16.) u Sarajevu.

Sjednici su prisustvovali članovi U.O.: Safudin Čengiđ, Midhat Terzić, Šaban Rizvić, Vejsil Huremović, Hamed Šivšić, Milenko Čolak, Adisa Karahodžić (zamjena za Muharem Sejdić), Sedžida Buljubašić (zamjena za Rasim Salčinović), Josip Milas, Željko Marjanović (umjesto Vilim Primorac), Predrag Čović, Haris Muslić, Suhad Ećo, i Adis Hasaković (zamjena za Rusmir Hrvić).

Sjednici nisu prisustvovali članovi U.O.: Enisa Bekto, Eldin Hadžiselimović, Ramiz Grapkić, Tomislav Benković i Ante Suton koji su opravdali svoj izostanak.

Sjednici su pored članova UO i ESV-a prisustvovali i predsjednici Grupacija poslodavaca pri UPFHiH te članovi Grupacije iz oblasti metalne industrije.

Ispred UP FBiH: Mladen Pandurević i Mersiha Jusić.

Predsjednik U.O. je pozdravio prisutne i predložio sljedeći:

DNEVNI RED:

1. Usvajanje zapisnika sa 34. proširene sjednice Upravnog odbora UP FBiH;
2. Razmatranje informacije o potpisivanju Općeg kolektivnog Ugovora za teritoriju FBiH;
3. Utvrđivanje datuma, mjesta i dnevnog reda za održavanje XV Redovne-Izborne Skupštine UPFHiH;
4. Razmatranje i usvajanje Odluke o formiranju Radne grupe za izradu Prijedloga Kriterija za imenovanja i izbor kandidata u organe Udruženja poslodavaca FBiH;
5. Potvrđivanje Odluke Izvršnog Odbora o imenovanju Seada Terzića za člana SBA Radne Grupe za FBiH;
6. Razmatranje i usvajanje Odluka o imenovanju predstavnika Udruženja u druge institucije;
7. Razmatranje Inicijative UDOFBiH o pokretanju postupka za apstraktnu ocjenu ustavnosti člana 137. Zakona o zaštiti od požara i vatrogastva;
8. Razmatranje Primjedbe ArcelorMittal Zenica na Nacrt Zakona o penzijsko-invalidskom osiguranju;
9. Informacija Razvojne banke FBiH o promjeni uslova za odobrenje kredita;
10. Tekuća pitanja

Dnevni red je usvojen uz izmjenu da se tačka 9. raspravlja prva obzirom da gđin. Salko Selman zbog drugih obaveza nije u mogućnosti prisustvovati do kraja sjednice UO.

RASPRAVA PO TAČKAMA DNEVNOG REDA

Tačka 9. Informacija Razvojne banke FBiH o promjeni uslova za odobrenje kredita;

Gđin. Salko Selman je ukratko informisao prisutne o sniženju kamatnih stopa u Razvojnoj banci. Naime, nakon nekoliko održanih sastanaka između rukovodstava Razvojne banke FBiH i UPFBiH, Nadzorni odbor RB FBiH je usvojio Nove kreditne linije kojim su znatno smanjene kamatne stope i troškovi obrade kredita. Razvojna banka će u saradnji sa Udruženjem poslodavaca FBiH u toku mjeseca marta i aprila predstaviti nove kreditne linije po svim kantonima u FBiH. Datum, mjesto i vrijeme održavanja Prezentacija će utvrditi naknadno i o tome će biti obaviještene sve članice UPFBiH.

Zaključak: UO podržava aktivnosti Razvojne banke. Zadužuje se stručna služba UPFBiH da u saradnji sa Razvojnou bankom priprema i organizuje Prezentacije po kantonima.

Tačka 1. Razmatranje i usvajanje zapisnika sa 34. proširene sjednice UO.

Predsjednik je napomenuo da su svi dobili zapisnik u materijalima i zamolio prisutne da daju svoje primjedbe. Obzirom da nije bilo primjedbi predsjednik je zapisnik stavio na glasanje.

Zaključak: Zapisnik sa 34. proširene sjednice je jednoglasno usvojen u predloženom obliku.

Tačka 2. Razmatranje informacije o potpisivanju Općeg kolektivnog Ugovora za teritoriju FBiH;

Predsjednik Upravnog odbora gđin. Čengić je ukratko informisao prisutne da je 10.02.2016. godine u okviru sjednice ESV-a od strane SSSBiH i UPFBiH potpisan Opšti kolektivni Ugovor za teritoriju FBiH. Gđin Čengić je također upoznao prisutne o tome kako se tekli pregovori te o sadržaju potpisanog OKU.

Zaključak: Upravni odbor je informaciju primio k znanju.

Tačka 3. Utvrđivanje datuma, mjesta i dnevnog reda za održavanje XV Redovne-Izborne Skupštine UPFBiH;

Gđin. Čengić je upoznao prisutne sa ovom tačkom dnevnog reda i otvorio diskusiju. Nakon diskusije donesen je sljedeći:

Zaključak: XV Redovna-Izborna Skupština Udruženja poslodavaca u FBiH će se održati 11.04.2016. godine u Sarajevu. Zadužuje se stručna služba da odredi mjesto i vrijeme održavanja Skupštine. Utvrđen je dnevni red Skupštine. Materijali za dnevni red će se pripremiti u Skladu sa Statutom.

Tačka 4. Razmatranje i usvajanje Odluke o formiranju Radne grupe za izradu Prijedloga Kriterija za imenovanja i izbor kandidata u organe Udruženja poslodaca FBiH;

Gdin. Čengić je upoznao prisutne, obzirom da se radi o Izornoj Skupštini, da je u Skladu sa Statutom potrebno utvrditi Kriterije za izbor kandidata u organe UPFBiH.

Nakon diskusije donesen je sljedeći:

Zaključak: Formira se Radna Grupa za izradu Prijedloga kriterija za imenovanja i izbor kandidata u organe Udruženja poslodavaca u FBiH. Za članove Radne grupe imenuju se: Safudin Čengić, Predsjednik UO, Midhat Terzić, Potpredsjednik UO, Vilim Primorac, Potpredsjednik UO, Zoran Gazibarić, Predsjednik Skupštine, Mladen Pandurević, direktor, Nurdin Peštalić, član UO i Mahmut Galijašević, član. Radna Grupa je dužna do prve naredne sjednice UO pripremiti Prijedlog Kriterija koji će usvojiti Upravni odbor. Zadužuje se Stručna služba da koordinira rad Radne Grupe.

Tačka 5. Potvrđivanje Odluke Izvršnog Odbora o imenovanju Seada Terzića za člana SBA Radne Grupe za FBiH;

Udruženju poslodavaca u FBiH obratilo se Federalno Ministarstvo razvoja, poduzetništva i obrta sa zahtjevom da UPFBiH imenuje predstavnika u Proces procjene implementacije Akta o malom biznisu SBA radnu grupu za Federaciju BiH, te da se uključi u SBA proces.

Izvršni odbor UPFBiH je na svojoj sjednici održanoj 09.02.2016. godine donio Odluku kojom se ovlašćuje Direktor Udruženja Poslodavaca u FBiH da imenuje predstavnika Udruženja poslodavaca u FBiH u Proces procjene implementacije Akata o malom biznisu - SBA radnu grupu za Federaciju BIH.

Zaključak: Potvrđuje se Odluka Izvršnog odbora broj I-011-1/16 09.02.2016. godine kojom se daje ovlaštenje direktoru da ispred Udruženja poslodavaca u FBiH imenuje osobu u Proces procjene implementacije Akata o malom biznisu – za člana SBA radne grupe za Federaciju BIH. Istovremeno se potvrđuje i Odluka direktora o imenovanju Seada Terzića vlasnika firme Plastex d.o.o. i predsjednika Udruženja poslodavaca Gračanica u navedenu radnu grupu. Kao jedan od uspješnih privrednika iz malog biznisa i aktivni učesnik u radu UPFBiH smatramo da će na adekvatan način zastupati interese malog biznisa te svojim znanjem i dugogodišnjim iskustvom doprinijeti radu SBA radne grupe za Federaciju BIH.

Tačka 6. Razmatranje i usvajanje Odluka o imenovanju predstavnika Udruženja u druge institucije;

Pod ovom tačkom dnevnog reda na osnovu zahtjeva razmatrano je imenovanje članova UPFBiH u sljedeće institucije:

- a) Član UO FIPA-e
- b) Član Savjetodavnog odbora Agencije za rad i zapošljavanje
- c) Član Uo Projekta EU „ Podrška socijalnim partnerima u socijalnom dijalogu“
- d) Član Radne grupe za izradu zakona o uvezivanju Radnog staža
- e) Član Radne Grupe za izradu Zakona o upravljanju otpadom

Nakon rasprave i iznesenih prijedloga donesen je sljedeći:

Zaključak: U okviru ove tačke dnevnog reda donesene su sljedeće: Odluka o imenovanju Mladena Pandurevića, direktor Udruženja poslodavaca u FBiH imenovan je za člana UO FIPA-e. Suad Ećo, član UO UPFBiH imenovan je za člana Savjetodavnog odbora Agencije za rad i zapošljavanje BiH. Za člana Upravnog odbora Projekta EU “ Podrška socijalnim partnerima u socijalnom dijalogu“ imenovan je Safudin Čengić, predsjednik UO UPFBiH. Za člana radne Grupe za izradu Zakona o uvezivanju radnog staža imenovan je Vejsil Huremović, član UO UPFBiH, a za člana Radne grupe za izradu Zakona o upravljanju otpadom Haris Muslić, član UO UPFBiH.

Tačka 7. Razmatranje Inicijative UDOFBiH o pokretanju postupka za apstraktnu ocjenu ustavnosti člana 137. Zakona o zaštiti od požara i vatrogastva;

Pod ovom tačkom dnevnog reda Upravni odbor je raspravljao o inicijativi Udruženja društava za osiguranje o pokretanju Inicijative za pokretanje postupka za apstraktnu ocjenu ustavnosti člana 137. Zakona o zaštiti od požara i vatrogastva („Sl.novine Federacije BiH“ broj 64/09).

Nakon veoma otvorene diskusije donesen je sljedeći:

Zaključak: Upravni odbor je podržao prijedlog Udruženja društava za osiguranje FBiH o pokretanju Inicijative za pokretanje postupka za apstraktnu ocjenu ustavnosti člana 137. Zakona o zaštiti od požara i vatrogastva („Sl.novine Federacije BiH“ broj 64/09).

Nakon dostavljanja konačnog pripremljenog Zahtjeva od strane UDOFBiH, Udruženje poslodavaca u FBiH će u skladu sa propisima pokrenuti proceduru za ocjenu ustavnosti člana 137. Zakona o zaštiti od požara i vatrogastva („Sl.novine Federacije BiH“ broj 64/09).

Tačka 8. Razmatranje Primjedbe ArcelorMittal Zenica na Nacrt Zakona o penzijsko-invalidskom

Vezano za ovu tačku dnevnog reda predstavnik arcelorMittala je upozano prisutne sa primjedbom koju imaju na član 56. Nacrt Zakona o PIO.

Nakon veoma otvorene diskusije donesen je sljedeći:

Zaključak: Zadužuje se stručna služba da u konačne primejdbе UPFBiH uvrsti Primjedbu i ArcelorMittala te da kao takve primjedbe uputi Vladi FbiH i Minisatsrtvu za rad i socijalnu politiku.

Tačka 9. Tekuća pitanja

Pod tekućim pitanjima nije bilo rasprave.

Zapisnik sačinila: Mersiha Jusić

PREDSJEDNIK UPRAVNOG ODBORA

mr.sc. Čengić Safudin